



CT
3110
H75
1805
v.4



典故列女傳卷之三

婦容篇

以潔淨端莊
齊整為容最
確若冶服巧
粧妖媚則是
妓女之容矣
不可不辨

○班氏曰。婦容不必顏色美麗也。盥浣塵穢。
服飾鮮潔。沐浴以時。身不垢辱。是謂婦容。
音盥

管浣胡管
切鮮平聲

右第一章。承首篇婦容而立言也。以
下六十一章。雜引古人之言行以明
之。行去
聲

佩用合用之物皆佩也若巾悅針線之類衿結也纓香囊也綦帷口帶也

齊莊也揖遊從容和適也

○內則曰婦事舅姑如事父母雞初鳴咸盥漱櫛縱笄總衣紳左右佩用衿纓綦屨以適父母舅姑之所及所下氣怡聲問衣燠寒疾痛苛癢而敬抑搔之出入則或先或後而敬扶持之進盥少者奉槃長者奉水請沃盥盥卒授巾問所欲而敬進之柔色以溫之父母舅姑必嘗之而後退節。漱先奏切搔音在騷少去聲長上聲在父母舅姑之所有命之應唯敬對進退周旋慎齊升降出入揖遊不敢噦噫噓咳欠伸跛

龍重裘也

不涉水不敢揭裳也

倚睇視。不敢唾洩。寒不敢襲。瘡不敢搔。不有
敬事。不敢袒裼。不涉不擻。褻衣衾不見裏。父
母唾洩不見。節。唯上聲齊音齋噫丁計切。咳口愛切睇大計切擻音蹶。
音現凡婦不命適私室。不敢退。婦將有事。大
小必請於舅姑。

右第二章。子夏問孝。孔子告以色難。
朱子曰。謂事親之際。惟色爲難也。又
曰。孝子之有深愛者。必有和氣。有愉
色。有婉容。婦人。之事舅姑。亦若是焉。

質明天正明也贊相助行禮之人也筭竹器取以盛束栗脯脩者特豚分左胖載之舅俎右胖載之姑俎舅姑饗婦一獻之禮舅獻

爾矣。苟不極意承歡。而或直情徑行。

疾言戾色。雖日用三牲之養。親亦不

以為孝也。述事親之容。自此以下凡

二章。養去聲

○昏義曰。夙興婦沐浴以俟見。質明。贊見婦

于舅姑。婦執筭棗栗段脩。以見贊。禮婦。婦祭

脯醢祭醴。成婦禮也。舅姑入室。婦以特豚饋。

明婦順也。節。見俱音現。筭音煩。醢音海。厥明。舅姑共饗。

婦以一獻之禮。奠酬舅姑。先降自西階。婦降

爵姑獻脯醢
舅姑降自西
階賓位婦降
自阼階主位
明代為立於
內也

數語寫盡俗
婦醜態

自阼階以著代也

右第三章

○班氏曰婦人之得於夫非謂佞媚苟親也。固莫若專心正色秉禮居潔耳無塗聽日無邪視出無冶容入無廢飾無聚會羣輩無闖視門戶此則謂專心正色矣。若夫動靜輕脫視聽狹淪入則亂髮壞形出則窈窕作態說所不當道觀所不當視此謂不能專心正色也。若夫之夫音扶

右第四章。夫婦之好不患不親。患其過於狎也。狎而敬之。畏而愛之。所謂有別其在斯乎。別者禮也。人之所以異於禽獸者也。專心正色。相敬如賓。斯謂之禮。若彼亂髮壞形。窈窕作態。則非莊婦可知。見者將厭薄之矣。述敬夫之容。自此以下凡八章。

○內則曰。禮始於謹夫婦。爲宮室。辨內外。男子居外。女子居內。深宮固門。閤寺守之。男不

漏浴室也

獨藏也

入女不出。男女不同。櫛柳不敢懸於夫之櫛。
櫛不敢藏於夫之篋笥。不敢共漏浴。夫不在。
斂枕篋簟席。獨器而藏之。少事長。賤事貴。咸
如之。
櫛音移。柳音架。縣音懸。櫛音輝。
漏音逼。獨音少。去聲。長上聲。

右第五章

○書大傳曰。后夫人將侍君。前息燭。後舉燭。
至于房中。釋朝服。襲燕服。然後入御于君。雞
鳴。太師奏雞鳴于階下。夫人鳴佩玉于房中。
告去也。然後應門擊柝。告闕。少師奏質明于

階下然後夫人入庭立。君出朝。

傳去聲朝俱音潮少去聲

右第六章

○古者后夫人必有女史彤管之法。后妃羣

妾以禮御於君所。女史書其環而進退之。生

子月辰則以金環退之。當御者著于左手。既

御著于右手。左手陽也。以當就男。右手陰也

御而復故

著俱音著

右第七章

○禮曰壻親御授綬。親之也。敬而親之。先王

之所以得天下也。出乎大門而先男帥女女
從男夫婦之義。由此始也。節。帥入聲。音率。共牢而
食。同尊卑也。故婦人無爵。從夫之爵。坐以夫
之齒。

右第八章。

○白季使過冀。見冀缺耨。其妻饁之。敬相待
如賓。與之歸。言之文公。曰。敬德之聚也。能敬
必有德。德以治民。君請用之。臣聞出門如賓。
承事如祭。仁之則也。文公以爲下軍大夫。臣白

案枕也

九切使
去聲

右第九章

○梁鴻適吳。依皋伯通。居廡下。爲人賃舂。鴻妻孟光進食。舉案齊眉。伯通異之。曰。彼傭能使其妻敬之如此。非凡人也。乃舍之于家。以

賓禮待之。

爲去聲
賓音任

右第十章

○五代裴從簡。開許州富。人有玉帶。欲之而不可得。遣二卒夜入其家。殺而取之。二卒夜

踰垣入見其夫婦相待如賓。二卒感歎曰：吾
今欲奪其寶而害斯人，吾必不免。因躍出而
告之，使其速以帶獻。長 蓑音

右第十一章

○易曰：家人嗃嗃，悔厲吉；婦子嘻嘻，終吝。象
曰：家人嗃嗃，未失也；婦子嘻嘻，失家節也。黑 嗃

各切
音壑

右第十二章：婦人起居必有禮法，視
聽言動之間無所苟而已矣。寧爲拘

跂距即踵起
行不進貌距
音杼

謹。勿爲放誕。寧過矜莊。勿爲嬉笑。靜
處深閨。養成令淑。無崇好佚遊。無出
入寺觀。無矜尚紛華冶容麗飾。嘻嘻
終吝之戒。吾知免夫。述起居之容。自
此以下二十有一章。已音以好去聲
觀去聲夫音扶
○太公曰。婦人之禮。語必柔細。行必緩步。止
則斂容。動則跂距。耳無餘聽。目無餘視。出無
諂容。跂音祥距
牀呂切

右第十三章。

敬同叫謂應聲宜和平不得如叫呼也
髮假髻髮少以他髮益之
如今之頭髮也欽髮母髻
古人重髮以纚韜之不使如髻之垂也

○孟子曰。西子蒙不潔。則人皆掩鼻而過之。
雖有惡人。齊戒沐浴。則可以祀上帝。齊音齋

右第十四章。

○曲禮曰。毋側聽。毋噉應。毋淫視。毋怠荒。遊
毋倨。立毋跛。坐毋箕。寢毋伏。斂髮毋髻。冠毋
免。勞毋袒。暑毋褰裳。節。毋俱音無噉音替玉藻
曰。足容重。手容恭。目容端。口容止。聲容靜。頭
容直。氣容肅。立容德。色容莊。

右第十五章。

○內則曰。男不言內。女不言外。非祭非喪。不相授器。其相授。則女受以篚。其無篚。則皆坐奠之。而後取之。

右第十六章。

○內則曰。女子出門。必擁蔽其面。夜行以燭。無燭。卽止。節道路。男子由右。女子由左。

右第十七章。

○孔子曰。以之居處有禮。故長幼辨也。以之閨門之內有禮。故三族和也。節上聲。申繻曰。

男有室。女有家。無相瀆也。謂之有禮。易此必
敗。繻音胥

右第十八章。

○荀爽女誡曰。七歲之男。王母不抱。七歲之
女。王父不持。親非父母。不與同車。親非兄弟。
不與同筵。

右第十九章。

○詩曰。士之耽兮。猶可說也。女之耽兮。不可
說也。

今士族家偏
肯縱婦女遊
玩可嘆

右第二十章

○許氏曰。女婦日守閨閫。躬督紡織。至老勿
踰中門。下及侍女。亦同約束。如有恣性越禮。
遊山玩湖。賽神燒香。出頭露面。卽非士族家
法。子孫必泣諫之。丈夫必痛遏之。

右第二十一章

○顏氏家訓曰。江東婦女。畧無交遊。其婚姻
之家。或數十年間。未相識者。惟以信命贈遺。
致殷勤焉。鄴下風俗。專以婦持門戶。爭訟曲

闔門斜掩其
門以別內外
也

直造請逢迎。代子求官。爲夫訴屈。此乃恒代
之遺風乎。造音慥
爲去聲

右第二十二章。

○公父文伯之母季康子之從祖叔母也。康
子往焉。闔門而與之言。皆不踰闔。仲尼聞之。
以爲別於男女之禮。父上聲從去
聲闔音委

右第二十三章。

○齊孝公夫人孟姬從公遊于瑯琊。馬奔車
碎。公使駟馬立車載之。姬使御者舒帷以自

守禮如此之
嚴不如先辭
以君夫人無
從遊觀義

障蔽而使傅母應曰。妾聞妃后踰闕必乘安
車輜輶下堂必從保傅進退則鳴環珮內飾
且結組綢繆野處則帷裳擁蔽所以正心一
意自斂制也。今立車無輶非所敢受命也。野
處無衛非所敢久居也。二者失禮多矣。夫無
禮而生不若早死。使者馳以告公更取安車
然後乘而歸。輜音淄輶音烹使者之
使去聲失無之夫音扶

右第二十四章

○鄭瞞者楚成王之勝也。王登臺臨後宮宮

人皆仰視。瞽直行不顧。王曰。行者顧。吾與汝千金不顧。又曰。顧。吾以汝爲夫人。不顧。又曰。顧。吾封汝父兄。亦不顧。於是王下臺而問曰。夫人重位也。千金厚利也。一顧可得而竟不顧。何也。瞽曰。妾聞婦人以端顏正體爲容。大王在臺上而妾顧。是犯禮也。告以夫人之尊。示以千金之重。而妾顧。是貪利也。犯禮而貪利。何以事王。王曰。善。遂立以爲夫人。瞽音茂

右第二十五章

○莊姜齊女也。始歸于衛。操行哀情。心泆冶。容其傅母。誠之曰。子之家。世世尊榮。當爲民法。則子之質聰達於事。當爲人表式。儀貌壯麗。不可不自脩整。衣錦綢裳。飾在輿馬。是不貴德也。節。行去聲。衣去聲。莊姜美而無子。衛人爲

之賦。碩人其詩曰。碩人其頤。衣錦褰衣。齊侯之子。衛侯之妻。又曰。手如柔荑。膚如凝脂。領如蝤蛴。齒如瓠犀。螓首蛾眉。巧笑倩兮。美日

盼兮。爲去聲。頤音祈。衣錦之衣去聲。褰音耿。黃音題。

右第二十六章

○漢馬皇后素嫉浮華。不喜出入觀遊。不好音樂。平居未嘗臨御窓。未嘗與侍御者私語。明帝時幸苑囿離宮。后鮮有從之者。因陳風邪霧露之戒。辭意甚備。帝嘉納焉。好去聲

右第二十七章

○鄧皇后爲貴人時。儉素謙讓。動有法度。諸姬競自脩飾。鄧氏獨着素裝。其衣有與陰后同色者。卽解易。若並時進見。則不敢正坐離

立行則僂身自卑。帝每有所問。常逡巡後對。不敢先陰。后言後數年。陰后以巫蠱事廢。鄧氏請救。不能得。帝便屬意焉。未幾立爲后。

右第二十八章

○唐萬壽公主。起居郎鄭顥妻也。顥弟顥嘗得危疾。帝遣使視之。還問公主何在。曰在慈恩寺觀戲場。帝怒嘆曰。我怪士大夫家不欲與我家爲婚。良有以也。急召公主責之。曰。豈有小郎病不往省視。乃觀戲乎。由是貴戚皆

守禮法。如衣冠之族。使去聲論曰。今之婦人。未

有不觀戲者。不惟觀之。且深嗜篤好。而必欲

觀之。或多方以求。或聯袂而往。此蕩心佚志

之端。無益有損之事也。可不戒哉。好去聲

右第二十九章

○柳公綽夫人韓氏。相國休曾孫。相國臯之

女也。歸柳氏三年。無少長。未嘗見其啓齒。常

衣絹素。不用綾羅錦繡。每歸。覲不乘金碧輿。

祇乘竹甕子。二青衣步履以隨。相俱去聲。少去聲。長上聲。

衣去聲。絹古勸切。堯當侯切。

右第三十章

生長帝皇家
而能好禮如
此真不易得

○宋信國長公主。神宗女也。下嫁潘意。潘故大施夫黨數十百人。賓接皆盡禮。平居志尚冲澹。服玩不為紛華。歲時簡嬉遊。十年間惟一適西池而已。長上聲。已音以。

右第三十一章

○程母侯氏。幼聰慧。諸女事不學而能。七歲時女師教以古詩曰。女子不夜出。夜出秉明。

燭自是日暮不復出房閣。復扶又切

右第三十二章。

躡音祕足偏倚也

○列女傳曰。古者婦人妊子。寢不側。坐不邊。立不躡。不食邪味。割不正不食。席不正不坐。目不視邪色。耳不聽淫聲。夜則令瞽誦詩。道正事。如此則生子形容端正。才德必過人矣。節○傳去聲妊子之時。必慎所感。感于善則善。感于惡則惡。人生而肖父母者。皆其母感于物。故形音肖之。

右第三十三章人子之生多肖父母
性情形貌大約不甚懸絕然而爲善
爲惡或有不齊者則於妊子之時所
感異也望子以聖賢莫若先胎教述
妊子之容自此以下凡五章。

有身懷孕在
身也

○青史氏之記曰古者胎教之道王后有身
之七月而就宴室太師持銅而御戶左太宰
持斗而御戶右太卜持著龜而御堂下諸官
各以其職御于門內此三月者王后所求聲

音非正樂。則太師撫樂而稱不習。所求滋味。非正味。則太宰荷斗而不敢煎調。而曰不敢以侍王太子。太子生而泣。太師吹銅曰聲中某律。太宰曰滋味尚某。太卜曰命云某。然後爲王太子懸弧之禮。義卜王太子名。上毋取乎天下。毋取乎地中。毋取乎名山通谷。毋悖于鄉俗。是故君子名難知而易諱也。此所以養息之道也。

荷去聲聲中之中去聲毋俱音無易音異

右第三十四章。

弧弓也男子志在四方有弓矢之事故縣弧帨巾也女子主守閨門有巾幘之事故設帨

○內則曰妻將生子及月辰居側室夫使人日再問之作而自問之妻不敢見使姆衣服而對至於子生夫又使人日再問之夫齊則不入側室之門子生男子設弧於門左女子設帨于門右

見音現復扶又切齊音齋

右第三十五章

○太任文王之母摯任氏之中女也王季娶以爲妃太任之性端一誠莊惟德之行及其娠文王目不視邪色耳不聽淫聲口不出敖

言。生文王而明聖。太任教之以一而識百。卒
爲周宗。君子謂太任爲能胎教。任俱音王
教音傲

右第三十六章

○武王后邑姜太公之女也。妊成王於身。立
而不跛。坐而不差。笑而不諠。獨處而不倨。雖
怒而不詈。胎教之謂也。跛補
火切

右第三十七章

○司馬溫公曰。父母之喪。中門外擇樸陋之
室爲丈夫喪次。斬衰寢苦枕塊。不脫經帶。不

與人坐焉。婦人次於中門之內。別室撤去帷帳。衾褥華麗之物。男子無故不入中門。婦人不得輒至男子喪次。苦尸詹切

右第三十八章。喪重事也。三年之喪。終天大痛。當變易常度。以悲哀為主。不可對人歡笑。諧謔宴樂。記曰。喪容累累。其是之謂乎。期功之喪。以次遞降。但素服不爲華飾而已。近世以來。鮮盡喪禮。維頽風於閩內。亦仁孝子。

婦之心。不能自己者。爾述居喪之容。

自此以下十六章。

樂音洛已。俱音以。

有筭有教也。袒露上身也。括束也。

髮喪髻也。

從從太高也。扈扈太廣也。

○禮曰。擗踊哀之至也。有筭為之節文也。袒括髮。去飾之甚也。有所袒。有所襲。哀之節也。

右第三十九章。

○南宮縚之妻之姑之喪。夫子誨之。髻曰。爾毋從從爾。爾毋扈扈爾。蓋榛以為筭。長尺而

總八寸。

髻職瓜切音。總毋音無從音聳。

右第四十章

○喪大記曰婦人迎客送客不下堂

右第四十一章

○雜記曰凡婦人從其夫之爵位

右第四十二章

○雜記曰嫂不撫叔叔不撫嫂

右第四十三章

○禮曰喪服兄弟之子猶子也。蓋引而進之也。嫂叔之無服也。蓋推而遠之也。姑姊妹之

薄也。蓋有受我而厚之者也。遠去聲

右第四十四章。

○坊記曰：寡婦不夜哭。

右第四十五章。

○穆伯之喪，敬姜晝哭，文伯之喪，晝夜哭。孔子曰：知禮矣。

右第四十六章。

○季康子之母死，陳褻衣。敬姜曰：婦人不飾，不敢見舅姑。將有四方之賓來，褻衣何爲？陳

於斯命徹之。

徹音撤。

右第四十七章。

○杞梁之妻。齊女也。齊莊公襲莒。梁戰而死。妻迎其柩於路而哭之哀。公使人弔之。辭曰。君之臣不免於罪。則將肆諸市朝。而妻妾執君之臣。免於罪。則有先人之敝廬在。君無所辱命。於是莊公乃諱其室。成禮。然後去。梁無子。內外無五屬之親。妻枕其屍於城下而哭。城爲之崩。旣葬。遂赴淄水而死。

朝音潮。爲去聲。

右第四十八章

○夏侯孝女。滑州胙城人也。父沒。毀不勝喪。被髮徒跣。身負土作墳。廬其左。寒不綿繡。日一食者三年。詔賜粟帛。表其門。勝平聲

右第四十九章

○楊含妻蕭氏。父歷爲撫州長史。卒于官。母繼之。蕭年十六。與幼弟皆毀瘠。載二喪還鄉。貧不能給舟傭。次宣州戰馬山。舟子委柩去。蕭結廬水濱。與婢穿墻納棺。成墳。蒔松柏。朝

夕哭臨長老爲立廬舍進栗練助之喪滿不
釋纓人高其行來請婚蕭氏曰有爲我致二
柩歸葬故土請事之矣時楊含以高安尉罷
歸請如約納采焉蕭許如約辭其幣含爲致
喪還葬葬訖乃釋服歸焉長俱上聲蒔音時
縑音兼行去聲

右第五十章

○崔氏鄭誠妻善果母也誠戰死崔二十而
寡不御脂粉常服大練非祭祀賓客之事酒
肉不妄陳於前靜室端居未嘗出戶內外姻

戚有吉凶。但厚加遺贈。皆不詣其門。

右第五十一章。

○宋荆國長公主。太宗女也。下嫁李遵勗。及遵勗守許州。有疾。主亟往視。不待奏而行。從者止五六人。居夫喪。哀戚未嘗去身。服除。不復御鮮華。嘗宴禁中。仁宗親爲簪花。主辭曰。自誓不復爲此矣。長上聲。從去聲。鮮平聲。復扶又切。

右第五十二章。

○臨汝侯惟和夫人馮氏。孝謹柔明。動不踰

禮侯卒以未亡人自處。菲衣蔬食。居處肅嚴。雖家人亦罕見其面云。食音嗣

右第五十三章。

○趙昂妻王氏女也。昂爲姜道令。王獨留家。會同郡梁雙反攻西城。破之。王恐爲所侵。乃以溷涅麻而被之。尠食瘠形。自爲不潔。免于難。尠蘇典切。難去聲。

右第五十四章。婦人當亂世。所憂不在見殺。惟懼名節難保。爾慷慨赴死。

以全清白之軀。斯爲上矣。其或未遇。擄掠相率逃難。則必毀容貌。惡衣服。使人畏忌。不生覬覦之心。近世有以毒藥敷而。僞爲癩疾。盜賊莫敢相逼。尤保全名節之善計也。述避亂之容。

自此以下凡四章。難去聲。

○睢陽王氏。趙子乙之妻也。子乙蚤死。王氏誓不改嫁。靖康之亂。自以年少有姿。名節難保。乃以堊土塗面。鬚頭散足。負姑携幼子。避

地而南人無犯之者。流離四年。至溫陵。徙居
于莆。終身清白。少去聲。望音惡。蒲音蓬。蒲音蒲。

右第五十五章

○漢中遭賊趙伯高死于難。妻張氏禮脩。以
碧塗面。亂頭破衣。懷刃自隨。意氣決烈。賊不
迫也。終得全其名節。難去聲。

右第五十六章

○保寧韓女年十七。元末避亂。僞爲男子服。
毀容垢面。混處民間。旣而被擄。居兵伍人莫

知爲女子者。從玉彩其菁台。南勝克叔贖以歸。成都人稱爲韓真女。

右第五十七章。

○蔡邕女訓曰。心猶面也。是以甚致飾焉。世人咸知飾面。不知修心。面不飾。愚者謂之醜。心不修。賢者謂之惡。面醜猶可。心惡尚謂之人乎。故覽鏡拭面。則思心當潔淨。傅脂則思心當點檢。加粉則思心當明白。澤髮則思心當柔順。用櫛則思心有條理。立髻則思心當

語。戒切足
當清夜晨鍾
女子時當猛
省

端正攝鬢則思心當整肅。

右第五十八章婦容通論也。容謂容

儀。乃動止有禮。非艷冶美麗之謂也。

服飾顏貌之際。率其日用之常。鮮潔

整齊。無俾垢穢焉可矣。然脩身在正。

其心。心正則容正。端莊靜一。淑慎爾

儀。雖宿瘤無鹽。吾未見其醜也。述婦

容通論凡四章。鮮平聲

○張華女史箴曰。美者自美。翩以取尤。冶容

求好。君子所讐。結恩而絕職。此之由。

右第五十九章。

○裴頠女史箴曰。膏不厭鮮。水不厭清。玉不厭潔。蘭不厭馨。爾形信直。影亦不曲。爾聲信清。響亦不濁。綠衣雖多。無貴于色。邪徑雖利。無尚于直。春華雖美。期于秋實。冰壁雖澤。期于見日。浴者振衣。沐者彈冠。人知正服。莫知行端。服美動目。行美動神。天道祐順。常與吉人。

鮮

平聲。頠。吾兒切。行俱去聲。

右第六十章

○橫渠女戒曰婦道之常順惟厥正是曰天明是其帝命嘉爾婉婉克安爾親往之女家。克施克勤爾順惟何無違夫子無然皐皐無然訛訛彼是而違爾焉作非彼舊而革爾焉作儀惟非惟儀女生則戒王姬肅雝酒食是議貽爾五物以銘爾心錫爾佩巾墨子海言。銅爾提匱謹爾賓薦玉爾奩具素爾藻絢枕爾文竹席爾吳莞念爾葦訓思爾退安彼實

有室。爾勿從室。邇爾提提。爾生引逸。女音汝
右第六十一章。

典故卷之三 終

卷之三

三

典故列女傳卷之四

婦功篇

紅功也

○班氏曰。婦功不必工巧過人也。專心黻黼。劬勞女紅。潔齊酒食。以奉賓客。是謂婦功。

右第一章。承首篇婦功而立言也。以下五十六章。雜引古人之言行以明之。行去聲

○祭義曰。古者天子諸侯。必有公桑蠶室。近

大斯之朝三
月朔日也

戾乾也
單盡也

也
禘音輝命服

繅淹也通爾
盆中以手五
次淹之每淹
則振其諸

川而爲之築宮。仞有三尺。棘牆而外閉之。及
人斯之朝。君皮弁素積。卜三宮。夫人世婦之
吉者。使入蠶于蠶室。奉種浴于川。桑于公桑。
風戾以食之。節。斯音歆。食音嗣。歲旣單矣。世婦卒
蠶。奉繭以示于君。遂獻繭于夫人。夫人副禕
受之。因少牢以禮之。及良日。夫人繅三盆手。
遂布于三宮。夫人世婦之吉者。使繅。遂朱綠
之。玄黃之。以爲黼黻文章。服旣成。君服以祀
先王先公。敬之至也。單音殫。少去聲。繅音素。乃切。

會其飢食
之多寡而知

右二章。古者生女三日。弄之瓦。磚以明紡績織紝。爲婦人所有事也。近世婦女。怠惰養安。非息偃在牀。則羣聚遊戲。試觀天子之后妃。公侯之夫人。尚且蠶桑締綌。不辭況瘁。矧士民家。可自逸乎。述蠶績之功。自此以下。

凡十六章。

況上聲

○周禮。中春。詔后帥外內命婦。始蠶於北郊。以爲祭服。歲終。則會內人之稍食。稽其功事。

功之勤惰

節。中同仲帥音佐后而受獻功者比其小

大與其麤良而賞罰之。麤音粗

右第三章

○月令季春命野虞毋伐桑柘。鳴鳩拂其羽。

戴勝黃鸝也

戴勝降于桑。具曲植籩筐。后妃齊戒。親東鄉

躬桑。禁婦女毋觀。省婦使以勸蠶事。蠶事既

登分繭。稱絲效功。以共郊廟之服。毋有敢惰。

毋俱音無齊音齋鄉去聲稱去聲共音供

右第四章

純音縞天子之祭服也

○祭統曰。天子親耕於南郊。以共齊盛。王后蠶於北郊。以共純服。諸侯耕於東郊。亦以共齊盛。夫人蠶於北郊。以共冕服。天子諸侯。非莫耕也。王后夫人。非莫蠶也。身致其誠信。誠信之謂盡。盡之謂敬。敬盡然後可以事神明。此祭之道也。共俱音供齊俱音咨盛俱音成

右第五章

○孟子曰。五畝之宅。樹牆下以桑。匹婦蠶之。則老者足以衣帛矣。五母雞。二母彘。無失其

時。老者足以無失肉矣。衣去聲

右第六章。

○管子曰。女有常事。一女不織。民有寒者。

右第七章。

○周禮內宰。以陰禮教六宮。以陰禮教九嬪。

以婦職之法。教九御。使各有屬。以作二事。正

其服。禁其奇袤。展其功緒。表音斜

右第八章。

○書太傳曰。男三十而娶。女二十而嫁。通于

奇袤不正之服也

織紵紡績之事。黼黻文章之美。不若是則上
無以孝于舅姑。而下無以事夫養子。傳去聲

右第九章。

○詩曰。摯摯女手。可以縫裳。又曰。婦無公事。

休其蠶織。摯音織

右第十章。

○文王后妃。貴而能勤。賢而能儉。既成締綌。
爰賦葛覃之詩。其詞曰。葛之覃兮。施于中谷。
維葉萋萋。黃鳥于飛。集于灌木。其鳴喈喈。次

章曰。葛之覃兮。施于中谷。維葉莫莫。是刈是
穫。爲絺爲綌。服之無斁。施俱音異 莫俱音茂

右第十一章。

○七月之詩。周公敘成王也。其次章曰。七月
流火。九月授衣。春日載陽。有鳴倉庚。女執懿
筐。遵彼微行。爰求柔桑。春日遲遲。采蘩祁祁。
女心傷悲。殆及公子同歸。其三章曰。七月流
火。八月萑葦。蠶月條桑。取彼斧斨。以伐遠揚。
猗彼女桑。七月鳴鵲。八月載績。載玄載黃。我

朱孔揚爲公子裳。行音杭新音
槍鵬音決

右第十二章

○公父文伯退朝。朝其母。其母方績。文伯曰。以歎之家。而主猶績。懼干季孫之怒也。其以歎爲不能事主乎。其母嘆曰。魯其亡乎。使僮子備官。而末之聞邪。居。吾語汝。昔聖王之處民也。擇瘠土而處之。勞其民而用之。故長王天下。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠

大采衮衣也
少采黼衣也
天子於春分
日以袞衣祀
朝日於東郊
迎陽氣也以
黼衣祀夕月
於西郊迎陰
氣也

士之民莫不嚮義。勞也是故。天子大采朝日。
與三公九卿祖識地德。日中考政。與百官之
政事。師尹惟旅。牧相宣序民事。少采夕月。與
太史司載。糾虔天刑。日八監九御。使潔奉禘
郊之粢盛。而後卽安。諸侯朝脩天子之業。命
晝考其國職。夕省其典刑。夜儆百工。使無悞
淫。而後卽安。卿大夫朝考其職。晝講其庶政。
夕序其業。夜庀其家事。而後卽安。士朝而受
業。晝而講貫。夕而習復。夜而計過。無憾而後

紃音胆懸瑱
繩也雜綵線
織之瑱所以
塞耳絃音橫
冠冕系也以
組為之自頤
下垂餘者為
纓纓冠上覆
也玄表纁裏
前後有垂旒

卽安。自庶人以下。明而動晦而休。無日以怠。
王后親織玄紃。公侯之夫人。加之以紃纁。卿
之內子。爲大帶。命婦成祭服。列士之妻。加之
以朝服。自庶士以下。皆衣其夫。社而賦事。烝
而獻功。男女效績。愆則有辟。古之制也。君子
勞心。小人勞力。先王之訓也。自上以下。誰敢
淫心。舍力。今我寡也。爾又在下位。朝夕處事。
猶恐忘先人之業。況有怠惰。其何以避辟。吾
冀而朝夕脩我。曰。必無廢先人。爾今日胡不

自安以是承君之官。余懼穆伯之絕祀也。仲

尼聞之曰。弟子識之。季氏之婦不淫矣。父上聲退

朝朝母朝日朝服之朝俱音潮餘如字歎昌

六切邪音耶長王之王音旺相去聲少去聲

盛音成統丁坎切絃音弘縋音延

舍音捨冀而之而音汝識音至

右第十三章

○采葛婦者。越人也。越王自吳還國。勞身苦

心。懸膽于戶。出入嘗之。知吳王好服。使國中

男女入山采葛。作黃絲布以獻之。吳王悅。乃

增越之封。賜羽毛之飾。几杖。諸侯之服采葛

之婦傷越王之用心苦。乃作詩以道其意。其
詞曰。葛不連蔓。棗台台。我君心苦。命更之。嘗
膽不苦。甘如飴。令我采葛以作絲。女工織兮
不敢遲。弱於羅兮輕罪罪。號絺素兮將獻之。
越王悅兮忘罪除。吳王歡兮飛尺書。增封益
地。賜羽奇。几杖茵褥。諸侯儀。羣臣拜舞天顏
舒。我王何憂能不移。好去聲

右第十四章

○徐吾。齊賢女也。勤于女紅。家貧無油。每依

鄰婦燭光夜績。月久。鄰婦不許。徐吾曰。一室之中多一人。燭不爲益。暗少一人。燭不爲益。明。何愛東壁餘光。不使貧妾蒙惠。鄰婦大慙。莫之能答。後與合績。紅音工爲去聲復扶又切

右第十五章。

曾桂令

○鄭善果母崔氏二十而寡。固守不嫁。善果以父死王事。封開封縣公。尋出爲刺史。母居恒紡績。逮夜分方寢。善果跪請曰。秩俸幸充。何自苦如此。母曰。吾謂汝知天下理。今聞此。

言。公事何由濟乎。夫秩俸乃天子以報汝先
人者也。當散贍六姻。爲先君之惠。奈何獨擅
其利。且絲枲紡績。婦人之務。自王后及大夫
士妻。若墮業者。是爲驕逸。吾雖不知禮。其可
自敗名乎。徒枲音

右第十六章。

○明馬皇后。常從太祖在軍。手緝衣履。以給
將士。及正尊位。率內外命婦。親蠶于北郊。以
爲祭祀衣服。后性儉。每製衣。餘帛爲巾褥。以

賜諸王公主。曰。生長富貴。當令知蠶桑之不易。為天地惜物力也。將去聲長上聲易音異為天地之為去聲

右第十七章

楊叶音替祿衣也

○詩曰。乃生女子。載寢之地。載衣之裼。載弄之瓦。無非無儀。惟酒食是議。無父母詒罹。節
○衣去聲孔子曰。教令不出閨門。事在饋食之間而已矣。已音以

右第十八章。婦人為中饋之主。司酒食焉而已。烹飪必親。米鹽必課。無得

養尊處優。專委其權於婢僕。則豐儉有節。於家計無漏卮。於待人不失禮。是持家之要道也。世有鄙吝性成。計較纖悉。甚或但知自奉。而以濫惡應賓。斯又不足言矣。述中饋之功。自此以下。凡十三章。已音

○曲禮曰。納女於天子曰備百。姓於國君曰備酒漿。於大夫曰備掃灑。

右第十九章。

○易曰无攸遂在中饋貞吉。象曰六二之吉順以巽也。无與無同

右第二十章。

○許氏曰主婦職在中饋烹飪必親米鹽必課勿離竈前。離去聲

右第二十一章。

○顏氏家訓曰婦主中饋。惟事酒食衣服之禮耳。國不可使預政。家不可使幹蠱。如有聰明才智。識達古今。正當佐輔君子。勸其不足。

必無牝雞晨鳴以致禍也

右第二十二章

○詩曰。饁彼南畝。田畯至喜。又曰。或來瞻女。
載筐及筥。其饗伊黍。女音汝。饗尸羊切。

右第二十三章

○詩曰。就其深矣。方之舟之。就其淺矣。沬之游之。何有何亡。黽勉求之。凡民有喪。匍匐救之。又曰。我有旨蓄。亦以御冬。
亡音無。御音禦。

右第二十四章

○孟子處齊而有憂色。母問之。對曰。道不行於齊。欲去而母老。是以憂也。母曰。婦人之禮。精五飯。寡酒漿。養舅姑。縫衣裳而已。有閨內之脩。無境外之志。易曰。无攸遂。在中饋。詩曰。無非無儀。惟酒食是議。言婦人無專制之義。而有三從之道也。今子成人而我老矣。子行乎。子義吾行乎。吾禮何以憂爲。寡音覓。養去声。已音以。

右第二十五章。

○陸續之母。治家有法。續爲太守尹。興門下。

椽時。楚王英謀反。事連續。繫洛陽。詔獄。母自
吳達洛陽。無緣見續。但作食饋之。續對食。悲
泣。不自勝。使者問故。續曰。母來不得相見。是
以悲耳。問何由知之。續曰。此食母所餉也。吾
母切肉。未嘗不方。斷葱以寸爲度。是以知之。
使者以聞。特赦之。守去聲勝平聲使
俱去聲斷都管切

右第二十六章。

○陶侃母湛氏。豫章新淦人也。侃生而貧賤。
湛氏每紡績資給之。使交結勝已者。賓至輒

欵延不厭。一日大雪。孝廉范達寓宿焉。湛氏
乃徹所臥草薦。自剉給其馬。又密截髮賣與
鄰人。以供餽饌。後達聞之。嘆曰。非此母不生
此子。侃竟以功名顯。淦音紺。徹音
撤。剉。干臥切。

右第二十七章。

○周顗母李氏。字絡秀。少處室。顗父安東將
軍浚。出獵。遇雨。就其家止焉。秀聞客至。獨與
一婢入厨下烹宰。立具十數人之饌。甚精贍。
寂不聞人聲。浚怪而覘之。大喜。歸。遣吏詣其

父聘爲側室。生三子。長顗。次嵩。次謨。並皆貴。
顯。顗音愷。少去聲。覘。職謙切。長上聲。

右第二十八章

○羅夫人。楊萬里妻也。萬里轉運江東。子爲
帥。尊重矣。每寒月黎明。夫人卽起詣厨下。躬
作粥。召臧獲女。使徧食之。曰。天甚寒。須使其
腹中有火氣。乃堪役使耳。其子聞之。曰。是賤
事。夫人老而親之。無乃爲逆施乎。夫人怒曰。
若言如此。其必不遠矣。賤物貴我。勞人自逸。

天道所不右也。守吳。迎就養。時年八十餘。於
郡園中種苧。躬紡績不懈。平居服飾無華麗。
生四子三女。畢自乳曰。饑人之子。哺其子。吾
不忍爲也。養去聲
苧音紵

右第二十九章。

○明太祖時羣臣朝罷。會食廷中。馬皇后命
中官取其飲食親嘗之。滋味涼薄不旨。謂帝
曰。朝廷用天祿以養天下之賢。故自奉欲其
薄。養賢欲其豐。今之典大烹者。不能輯其下

人惟奉上者甘旨。羣臣飲食皆不得其味。豈

陛下養賢之意乎。

節。朝俱音潮。

后事太祖。

凡御膳必躬親省視。宮人請曰。宮中人衆無

煩聖體。后曰。吾固知宮中有人。但婦人事夫。

不可不謹。膳羞上進。不可不蠲潔。脫有不至。

汝輩受責。吾心豈安。吾所以爲此者。一以敬

上而不敢忽。一以保汝輩免於責也。宮人聞

之。莫不感悅。

蠲音涓。

論曰。自奉欲其薄。養賢欲

其豐。二語甚善。自天子以至庶人。皆當遵行。

者也。事夫不可不謹。膳羞上進。不可不蠲潔。皇后之尊。尚且小心。若是爲士民之妻者。宜何如乾惕歟。養去聲

右第三十章。

○內則曰婦事舅姑。如事父母。冠帶垢和灰請漱。衣裳垢和灰請澣。衣裳綻裂。紉箴請補。綴五日則燂湯請浴。三日具沐。其間面垢燂。潘請醕。足垢燂湯請洗。少事長。賤事貴。共帥時節。節。綻。丈諫切。燂。詳廉切。潘。音翻。醕。音悔。少。去聲。長。上聲。帥。音率。父母舅

席坐席也衽
更卧處也

牀憑以安身
之几也

傳移也敦牟

盛黍稷之器

卮酒器也盛

水渠器也飲

介餘也

姑將坐。奉席請何鄉將衽。長者奉席請何趾。

少者執牀與坐。御者舉几。斂席與簞。縣衾篋

枕。斂簞而禡之。父母舅姑之衣衾。簞席枕几

不傳。杖屨祇敬之。勿敢近。敦牟卮匱非餽莫

敢用。與恒。食飲非餽莫之敢飲食。奉俱上聲鄉去聲長

上聲少去聲縣平聲禡音獨敦音對卮音支匱音移

右第三十一章。娶婦所以奉養舅姑。

晨昏定省。服勤趨事。固其常也。然必

常存愛日之心。起敬起孝。無時倦怠。

未寒而爲之衣。方饑而爲之食。若慈母之育嬰兒。嗜好起居。不待詔告。斯可謂能養矣。述奉養之功。自此以下

凡五章。

養俱去聲。好去聲。

○廣漢姜詩妻。同郡龐盛之女也。詩事母孝。妻事姑尤謹。母好飲江水。妻常泝流而汲。後值風。不時得還。詩見母渴。責妻而去之。妻乃寄止鄰舍。晝夜紡績。市珍羞。使鄰母時時以意自遺其姑。久而姑怪之。鄰母以實對。姑感

而慙乃卽呼還姑嗜魚膾。又不能獨食。呼鄰
母共食。詩夫婦常力作供膾。後舍側忽湧甘
泉。味如江水。泉中旦出雙鯉。以供人。以爲孝
感。好聲

右第三十二章。

○聞人氏。俞新妻也。夫死不嫁。事姑孝。姑病
風失明。聞人手滌溷穢。時時舐其目。目爲復
明。舐師止切

右第三十三章。

○趙孝婦者。德安應城人也。早寡。事姑孝。家貧。傭織市美食以奉姑。服勤不懈。念姑老。卒不諱。無從得棺。斂鬻其子。富家買棺。預治之。會鄰居火。風烈。且及孝婦家。婦亟扶姑出避。而棺重不可移。乃拊膺慟哭。呼天反風。風忽變。棺得不燬。人以爲孝感云。

右第三十四章。

○庾袞之兄蚤世。遺孤女曰芳。袞撫育之。芳長將嫁。美服具矣。袞刈荆荇爲箕帚焉。召諸

子集于堂。男女以班。而命芳曰。汝芳少孤。今汝適人。將事舅姑。灑掃庭內。婦人之道也。故賜汝以此匪器之美。欲汝之溫恭朝夕。雖休勿休也。長上声 少去声

右第三十五章。

散齊肅其耳
日於外致齊
專其思慮於
內也

○祭統曰。夫祭也者。必夫婦親之。所以備外內之官也。官備則具備。節及時將祭。夫人亦散齊七日。致齊三日。君致齊于外。夫人致齊于內。然後會于太廟。君純冕立于阼。夫人副

盜即盥齊酒
也說清也羞
進也齊音也

禕立于東房。君執圭瓚裸尸。太宗執璋瓚亞
裸。及迎牲。君執紉。卿大夫從。士執芻。宗婦執
盥。從。夫人薦洗水。君執鸞刀。羞齊。夫人薦豆。
此之謂夫婦親之。

齊俱音齋 裸音貫
洗音稅 齊音刺

右第三十六章。魯哀公問冕而親迎
不已重乎。孔子對曰。將以為天地宗
廟社稷之主。君何謂已重乎。祭統曰。
既內自盡。又外求助。故國君取夫人
之辭曰。請君之玉女與寡人共有。敝

邑事宗廟社稷。由是觀之。娶妻以奉
祭祀。人生之大本也。自后妃以至士
庶人之妻。雖貴賤不同。而報本追遠。
其道則一。盡物盡志。以致愛敬之思。
誰獨非人情哉。述祭祀之功。自此以

下凡六章。

迎去聲已俱
音以取去聲

○明堂位曰。君卷冕立于阼。夫人副褱立于
房中。君肉袒迎牲于門。夫人薦豆籩。卿大夫
皆君命婦贊夫人。

卷音
袞

右第三十七章。

○禮器曰。天道至教。聖人至德。廟堂之上。壘尊在阼。犧尊在西。廟堂之下。縣鼓在西。應鼓在東。君在阼。夫人在房。大明生于東。月生于西。此陰陽之分。夫婦之位也。君西酌犧象。夫人東酌壘尊。禮交動乎上。樂交應乎下。和之至也。節○縣平声太廟之內敬矣。君親牽牲。大夫贊幣而從。君親制祭。夫人薦盎。君親割牲。夫人薦酒。卿大夫從君。命婦從夫人。洞洞

洞洞表菜皆敬也。屬誠。

實無偽也勿
勿勉勉不已
也

世婦宮中女
宮即天子二
十七世婦也
濯擬洗祭器
也為猶治也
盥同染女宮
女宮刑給役
宮中者蒞臨
視也具即祭
祀之具內羞
房中食物也

乎其敬也屬屬乎其忠也勿勿乎其欲其饗
之也。屬俱音燭

右第三十八章

○周禮世婦掌祭祀賓客喪紀之事帥女宮
而濯擬為盥盛及祭之日蒞陳女宮之具凡
內羞之物。帥音率擬音戲盥同染盛平聲

右第三十九章

○南國夫人能盡誠敬以奉祭祀家人美之
為賦采芣之詩其詩曰于以采芣于沼于沚

于以明之。公侯之事。次章曰。于以采蘋于澗之中。于以月之。公侯之宮。三章曰。被之僮僮。夙夜在公。被之祁祁。薄言還歸。還音旋

右第四十章。

○采蘋。美大夫妻能奉祭祀也。其詩曰。于以采蘋。南澗之濱。于以采藻。于彼行潦。次章曰。于以盛之。維筐及筥。于以湘之。維錡及釜。三章曰。于以奠之。宗室牖下。誰其尸之。有齊季女。盛音成 齊音齋

右第四十一章

○班氏曰。今之君子。徒知妻婦之不可不御。威儀之不可不整。故訓其男。檢以書傳。殊不知夫主之不可不事。禮義之不可不存也。但教男而不教女。不亦蔽於彼此之數乎。禮八歲始教之書。十五而志於學矣。獨不可依此以爲則哉。傳去聲

右第四十二章。婦人終老深閨。女紅之外。別無事業。然耳目見聞。不能及

遠則讀書明理。其大要矣。學乃能變化氣質。非啾唔文章。咏物寫情之謂也。若通經學古。著書垂訓。有關名教甚大。則君子貴之矣。述學問之功。自此以下凡十章。

○呂氏曰。今人養女。多不教讀書認字。蓋亦防微杜漸之意。然女之貞淫。却不在此。果教以正道。今知道理。如孝經列女傳。女訓女誡之類。不可不熟讀明講。使他心上開朗。亦闡

教之不可少者。傳去聲

右第四十三章。

○曹大家。姓班氏。名昭。字惠姬。扶風曹世叔之妻。班彪之女。班固。班超妹也。昭博學高才。世叔早卒。守節篤行。動有法度。兄固著漢書未就。和帝詔昭踵成之。數召入宮。令皇后貴人師事焉。號曰曹大家。昭念諸女方當適人。而不漸訓誨。不聞婦禮。恐失容他門。取恥宗族。乃作女誡七篇。使諸女各寫一通。後世誦

之。家音姑
有去聲

右第四十四章。

○宣文君宋氏。太常韋逞母也。幼明慧。父授以周官。謂之曰。此經周公所制。以經紀典誥者也。吾家世業。今無男。以授汝。汝必敬受。無令此學遂絕。宋日諷誦。研精不輟。石虎徙民實山東。宋與夫推鹿車就徙。而背負所授經。至冀州。依富人程安壽。晝出樵採。夜授子經。以紡績佐讀。逞遂成學。秦王堅憫禮樂廢缺。

博求通周官有師法者。博士盧壺對曰。學殖
久廢。禮師法盡矣。太常韋逞母宋傳其父業。
精周官。今年八十視聽無闕。非此母無足授
此經者。於是詔就宋氏立講堂。置生徒百二
十人。設絳紗幔。坐其中講業。賜號宣文君。周
官學復行於世。宣文君之力也。壺音惻復
扶又切

右第四十五章。

○唐太宗長孫皇后嘗採自古婦人得失事。
爲女則三十卷。及崩。宮司奏之。帝覽之悲慟。

示近臣曰。皇后此書。足以垂範萬世。朕非不知天命。而爲無益之悲。但八宮不復聞規諫之言。失一良佐。故不能忘懷耳。長上聲復扶又切

右第四十六章。

○唐朝散郎陳邈妻鄭氏。博學宏才。念姪女爲永王妃。恐其未閑詩禮。乃述經史正義爲女孝經十八章。表獻于朝。以戒之。鄭之言曰。上自皇后。下及庶人。不行孝而成名者。未之聞也。妾不敢白專。因以曹大家爲主。雖不足

藏之巖石。亦可以少補闕庭。天子納其書。大喜。命頒行于世。朝音潮家音姑

右第四十七章。

○貝州宋氏五女。長若華。次若昭。次若倫。若憲。若旬。皆警慧。善屬文。欲以學名家。若華著女論語。以教訓天下女子。若昭傳釋之。貞元中。李抱真表其才德。宗召入禁中。呼爲學士。若昭尤通練。歷憲宗。穆宗。敬宗三朝。皆待以師禮。卒。贈梁國夫人。長上聲朝音潮

右第四十八章

○明徐皇后者。魏國公徐達女也。病女教未
有全書。比之欲渡。罔津成舟失斧。乃於永樂
二年冬。備述內庭著內訓一書。始之以養德
性。終之以待外戚。使宮間肅清。永垂令範。年
四十六卒。諡曰仁孝。樂音洛

右第四十九年

○竇滔妻蘇氏。名蕙。字若蘭。符泰時。滔爲安
南將軍。鎮襄陽。携愛妾陽臺之任。不與蘇俱。

蘇織錦爲迴文詩寄焉。五乎相宣瑩心耀目。
其錦縱廣八寸。計字八百有餘。爲詩三十餘
首。縱橫反覆。皆成文章。辭甚淒惋。點畫無缺。
才情之妙。冠絕古今。名曰璇璣圖。滔感而迎
之。恩好愈篤。冠去聲論曰。蘇氏璇璣圖。非有
關名教者也。故其詩不錄。然以八寸之錦織
字八百有餘。縱橫反覆。皆成文章。可謂絕世
奇才矣。名自不可沒也。

右第五十章。

紅機縷也組
紉乃條繩之
屬團曰組
曰紉

○汴人孫蕙蘭六歲喪母。父教以詩書高朗
秀慧。詩詞清雅。每有所作。輒毀其稿。家人勸
之。則曰。偶適情耳。女子當習女紅。織紅組紉。
以致其孝敬。詞翰非所事也。喪去聲紅音工
紉音任組音旬
論曰。女子讀書。但欲其明道理。養德性。詩詞
浮華。多爲吟咏。無益也。必有功名。教之書。乃
許論著。不然。則寧習女紅而已矣。孫蕙蘭之
之言善夫。已音以
夫音扶

菹音疽以醋
炙菜也醢音
悔油醬也

○內則曰。女子十年不出。姆教婉婉聽從。執
麻。臬治絲繭。織紵組紃。學女事。以共衣服。觀
于祭祀。納酒漿。籩豆菹醢。禮相助奠。姆音茂
醢音晚

臬音徙共音
供相去聲

右第五十二章。婦功通論也。功與工
同。謂婦人所有事爾。非功德之謂也。
婦功不必工巧過人。惟勤勞所事而
已矣。文王后妃。貫而能勤敬。姜曰。勞
則思。思則善心生。勤勞者。古今重讀

修身治家之大要也。凡爲女子懋

懋哉。述婦功通論。凡五章。巳音以

○季康子問於公父文伯之母曰。主亦有以語肥也。對曰。吾能老而已。何以語子。康子曰。雖然。肥願有聞於主。對曰。吾聞之先姑曰。君子能勞。後世有繼。子夏聞之曰。善哉。商聞古之嫁者。不及舅姑。謂之不幸。夫婦學於舅姑者也。父上聲巳音以夫音扶

○方氏曰。晉書論其風俗淫僻。婦女莊櫛織
紉。皆眼成於婢僕。未嘗知女。鴛絲枲之業。明
饋酒食之事。夫此閨中細務耳。而以爲關係。
天下亂亡之由。胡可忽也。

右第五十四章

○昏義曰。古者天子后立六宮三夫人九嬪。
二十七世婦。八十二御妻。以聽天下之內治。
以明章婦順。故天下內和而家理。故曰。天子
聽男教。后聽女順。天子理陽道。后治陰德。天

子聽外治。后聽內職。教順成俗。外內和順。國家理治。此之謂盛德。節是故。男教不脩。陽事不得。適見於天。日爲之食。婦順不脩。陰事不得。適見於天。月爲之食。是故日食。則天子素服。而脩六官之職。蕩天下之陽事。月食。則后素服。而脩六宮之職。蕩天下之陰事。故天子之與后。猶日之與月。陰之與陽。相須而後成者也。天子脩男教。父道也。后脩女順。母道也。故曰天子之與后。猶父之與母也。適同。適見。俱帝。現。

右第五十五章

○周禮上春詔王后帥六宮之人而生種。種之種。而獻之於王。節。帥音率。種音同。種音六。九嬪掌婦學之法。以教九御。婦德。婦言。婦容。婦功。各帥其屬。而以時叙御於王所。帥音率。

右第五十六章學記曰。玉不琢不成器。人不學不知道。又曰。雖有嘉肴。弗食。不知其旨也。雖有至道。弗學。不知其善也。婦人。生長閨中。隨人苦樂。已

耳。寧知人之所以爲人。尚有無窮道理乎。四時備而後成。歲天之道也。四德備而後成人。婦之道也。人受天地之中以生。所由與禽獸異。而細行不檢。大節有虧。禽獸將混而同之。是棄天。褻天。天之罪人也。天道福善而禍淫。旣已罪之。必降之罰。爭遲速耳。名教中自有樂地。古人已死千百年。而其德其言其容其功。至今不朽。女子

不學而知之。學而知之。學而知之。知之。則當倣之。此女學一書所爲著也。著婦德。正其本也。著婦言。戒其妄也。著婦容。取其端也。著婦功。欲其勤也。韓子所謂其爲道易明。其爲教易行也。其爲說愚婦之所同知。而其理聖智有所不能盡也。善讀者身體而力行之。內正其心。淑其身。宜其家人。則家可齊也。推而放諸鄉里。而準推而放

諸千百里而準。則國治推而放諸四海九州而準。則天下平矣。家齊國治而天下平。於以上繼關雎麟趾也。何有。長上声樂俱音洛已俱音以細行之行去声易俱音異放俱上声



